



佛說梵網經菩薩心地品合註（一）

《佛說梵網經菩薩心地品合註》卷第一

姚秦·鳩摩羅什三藏 譯


明·蕩益大師 註







④ 初明時處主伴

爾時釋迦牟尼佛。在第四禪地中摩醯首羅天王宮。與無量大梵天王。不可說不可說菩薩眾。










① 二指所說法門

說蓮華臺藏世界盧舍那佛所說心地法門品。



觀心釋者

此心體無染汙。具妙因果。名為蓮華

此心堅實高顯。一切法之中道名臺

此心廣含諸法名藏

此心豎窮名世。橫徧名界

此心離過絕非名淨。具塵沙德名滿。一心徧喻諸心名說

此心眾法之所集起名心

此心眾法之所依持名地

此心堪作軌持名法

此心徧通諸法名門

略釋梗概如此。下文不復委出。可以意知


③ 二釋迦放光警眾

是時釋迦身放慧光。所照從此天王宮。乃至蓮華臺藏世界。其中一切世界。一切眾生。各各相視。歡喜快樂。而未能知此光。光何因何緣。皆生疑念。無量天人。亦生疑念。

前已說示華臺世界


舍那本尊所說法門。恐人不信

故又放光徹照其境。俾悟本源也




③ 三菩薩放光集問

爾時眾中玄通華光主菩薩。從大莊嚴華光明三昧起。以佛神力。放金剛白雲色光。光照一切世界。是中一切菩薩。皆來集會。與共同心異口問此光。光為何等相。




是時釋迦即擎接此世界大眾。還至蓮華臺藏世界。百萬億紫金剛光明宮中。見盧舍那佛。坐百萬億蓮華赫赫光明座上。時釋迦及諸大眾。一時禮敬盧舍那佛足下已。



② 為眾請法

釋迦佛言。此世界中。地及虛空一切眾生。為何因緣。得成菩薩十地道。當成佛果。為何等相。如佛性本源品中。廣問一切菩薩種子。



此即結集家語

懸指彼處全經

後皆倣此

⑤ 二舍那垂答二

初以定示答

次誠聽言答

⑥ 初以定示答

爾時盧舍那佛。即大歡喜。現虛空光體性本源成佛常住法身三昧。示諸大眾。

將演法門。先以定示者。略有三義

一者為顯法體

以此法門

非語言文字之所能宣

惟是聖智所行境界

然佛既親證此法。則

常時在定。那有出入

當體即是。亦何隱現

但眾生久沈迷網

惟同體大悲

能以不思議稱性方便

而開曉之。故名為現也


二者為順悉檀因緣

自有眾生聞說法而得四益

亦

自有眾生見入定而得四益

故須以定示之





⑥ 次誠聽言答二

初誠修三慧
次委答所問

⑦ 初誠修三慧


是諸佛子諦聽。善思修行。



⑤ 初明因

我已百阿僧祇劫修行心地。以之為因。

以身為證。明是自行真實法門也



⑤二明果

初捨凡夫。成等正覺。號為盧舍那。住蓮華臺藏世界海。

生相無明永盡。名為初捨凡夫

果德究竟圓極。名為成等正覺

等則雙照二邊
正則契會中道
於十號中
即是正徧知號也

盧舍那者。此云淨滿。如

望夜之月
黑相都淨
光體圓滿
從德立號
報智冥法之極稱也

住蓮華臺藏世界海者


實報無障礙土
諸佛所感稱實果報
色心不二
依正重重


又此世界

繇於眾生心性顯現
還依眾生心性安住
眾生心性。名為蓮華
在汙不染。因果同時
即此心性為萬法之宗極故名臺
含無邊之剎網故名藏
豎無終始故名世
橫絕方隅故名界
深廣難思故名海
究竟契合故名住也
繇此心性妙蓮華故
乃使世界亦如蓮華

⑤ 三從本垂迹


其臺周徧有千葉。一葉一世界。為千世界。我化為千釋迦。據千世界。後就一葉世界。復有百億須彌山。百億日月。百億四天下。百億南閻浮提。百億菩薩釋迦。坐百億菩提樹下。各說汝所問菩提薩埵心地。其餘九百九十九釋迦。各各現千百億釋迦亦復如是。





⑤ 四攝迹歸本

千葉上佛。是吾化身。千百億釋迦。是千釋迦化身。吾以為本源。名為盧舍那佛。



⑧次廣示心地名相二

初正列四十法門

次結示得入果相

⑨初正列四十法門

爾時蓮華臺藏世界盧舍那佛。廣答告千釋迦千百億釋迦所問心地法品。諸佛當知。堅信忍中。十發趣心向果。一捨心。二戒心。三忍心。四進心。五定心。六慧心。七願心。八護心。九喜心。十頂心。諸佛當知。從是十發趣入堅法忍中。十長養心向果。一慈心。二悲心。三喜心。四捨心。五施心。六好語心。七益心。八同心。九定心。十慧心。諸佛當知。從是十長養心入堅修忍中。十金剛心向果。一信心。二念心。三迴向心。四達心。五直心。六不退心。七大乘心。八無相心。九慧心。十不壞心。諸佛當知。從是十金剛心入堅聖忍中。十地向果。一體性平等地。二體性善慧地。三體性光明地。四體性爾餒地。五體性慧照地。六體性華光地。七體性滿足地。八體性佛吼地。九體性華嚴地。十體性入佛界地。

堅信忍者

從外凡位。仰信中道佛性之理
修習堅固。得成於忍

乃證發趣位也

發趣心者


從假入空。開發趣向登菩提路


向果者

一一心皆向佛果
又一一心中。各具向果二義

趣入名向
住位名果

如四果四向等





⑤

二結示得入果相又二


初以自身證

二轉授眾生

⑥

初以自身證


是四十法門品。我先為菩薩時修。入佛果之根源。



⑦

二轉授眾生



如是一切眾生。入發趣長養金剛十地。證當成果。無為無相。大滿常住。十力。十八不共行。法身智身滿足。



①二正說義趣二
初菩薩問義
二舍那詳答

②初菩薩問義

爾時蓮華臺藏世界盧舍那佛。赫赫大光明座上千華上佛。千百億佛。一切世界佛。是座中有一菩薩。名華光王大智明菩薩。從坐而立。白盧舍那佛言。世尊。佛上略開十發趣十長養十金剛十地名相。其一一義中。未可解了。唯願說之。唯願說之。妙極金剛寶藏一切智門如來百觀品中已明。




⑦ 初總徵

爾時盧舍那佛言。千佛諦聽。汝先言云何義者。發趣中。

但告千佛者。此是如來本所修行無上法門。故令千佛轉相傳授也

發趣義略如前釋



今就義便。且約從假入空為解

若利根者

既見於空
亦見不空

見不空故。開發趣向證妙真諦

此真即中。亦復即俗
三諦圓融。不可思議

一心一切心
一切心一心

十段文中。每露此旨。讀者須善悟之

庚 二別釋十

初捨心
(至)
十頂心

辛 初捨心

若佛子。一切捨。國土城邑田宅金銀明珠男女己身。有為諸物一切捨。無為無相。我人知見。假會合成。主者造作我見。十二因緣。無合無散無受者。十二入。十八界。五陰。一切一合相。無我我所相。假成諸法。若內一切法。外一切法。不捨不受。菩薩爾時名如假會觀現前。故捨心入空三昧。

若佛子者

紹佛家業
當踐佛位


故名佛子

一切捨者。總標修捨。謂

捨內外物
乃至
捨我法執


也


國土下。先明捨內外物
無為下。次明捨我法執



⑧二戒心

若佛子。戒。非非戒。無受者。十善戒。無師說法。欺盜乃至邪見。無集者。慈良清直正實正見捨喜等。是十戒體性。制止八倒。一切性離。一道清淨。





此戒心亦可別對治地住者

地是所治

戒是能治也

⑧三忍心

若佛子。忍。有無相慧體性。一切空。空忍。一切處忍。名無生行忍。一切處得。名如苦忍。無量行。一名忍。無受無打無刀杖。瞋心皆如如。無一一諦。一相。無無相。有無有相。非非心相。緣無緣相。立住動止。我人。縛解。一切法如。忍相不可得。

有無相慧體性者。謂菩薩三忍。咸以無相慧為體性也

下別釋三忍。即約三苦境界明之

觀一切壞苦。皆知本空。故名空忍
觀一切處行苦。皆本無生。名無生行忍
觀一切處苦苦。得其實相。知即法身。名如苦忍

若非三忍之力

一切行門
皆不成就


故無量行一名忍。此總結上文也

下重明三忍觀慧

以諦觀壞苦境界

內無能受之我
外無能打之人
中間無所用之刀杖

故瞋心皆如彼真如之理而不動搖。所以名空忍也




④ 四進心


若佛子。若四威儀一切時行。伏空。假會。法性。登無生山。而見一切有無如有如無。天地青黃赤白一切入。乃至三寶智性一切信。進道空無生無作。無慧。起空入世諦。法亦無二。相續空心。通達進分善根。

若佛子。寂滅無相。無相。無量行。無量心三昧。凡夫聖人。無不入三昧體性相應。一切以定力故。

⑤ 五定心



我人作者受者一切縛見性。是障因緣。散風動心。不寂而滅。空空八倒。無緣假靜慧觀一切假會。念寂滅。一切三界果罪性。皆由定滅。而生一切善。



次結示功能者。言
 用此無緣假靜慧
 觀一切假會之法
 皆即念念寂滅。所以
 三界苦果。及其罪性。皆繇定力而滅
 而罪性既滅。法爾生得慈悲等一切善也

靜慧即是靜慮。梵名禪那

無緣假者。謂一切假名諸法

當體全空
 本無可緣
 今達假法性空
 故名無緣假靜慧

此定心亦可別對方便具足住者

三昧體性。凡聖無不相應
 如胎已成。人相不缺也


辛 六慧心

若佛子。空慧。非無緣。知體名心。分別一切法假名主者。與道通同。取果行因。入聖捨凡。滅罪起福。縛解盡。是體性功用。一切見常樂我淨煩惱。慧性不明。故以慧為首。修不可說觀慧。入中道一諦。其無明障慧。非相。非來。非緣。非罪。非八倒。無生滅。慧光明燄為照。樂虛方便。轉變神通。以智體性所為慧用故。


空慧者。標第一義空真慧之體也


此之妙慧
 非同二乘斷空
 一無所緣而已
 當知即是靈知之體。亦名真心

◎辛 七願心




若佛子。願願。大求。一切求。以果行因。故願心連。願心連相續百劫。得佛滅罪。求求至心。無生空一。願觀觀入定照。無量見縛。以求心故解脫。無量妙行。以求心成菩提。無量功德。以求為本。初發求心。中間修道。行滿願故。佛果便成。觀一諦中道。非陰。非界。非沒生見見。非解慧。是願體性。一切行本源。






⑧ 八護心


若佛子。護三寶。護一切行功德。使外道八倒惡邪見不矯正信。滅我縛見縛。無生照達二諦。觀心現前。以護根本無相護。護空無作無相。以心慧連。慧連入無生空道。智道皆明光。明光護觀入空假分幻化。幻化所起如無。如無法體。集散不可護。觀法亦爾。



◎九喜心

若佛子。見他人得樂常生喜。悅及一切物。假空照寂。而不入有為。不無寂然大樂。無合有受。而化有法。而見云假。法性平等一觀。心心行多聞。一切佛行功德。無相喜智心心生念。而靜照樂心。緣一切法。






⑧十頂心

若佛子。是人最上智。滅無我輪見疑身一切瞋等。如頂觀連。觀連如頂。法界中因果。如如一道。最勝上如頂。如人頂。非非身見。六十二見。五陰生滅。神我主人動轉屈伸。無受無行可捉縛者。是人爾時入內空值道。心心眾生。不見緣。不見非緣。住頂三昧。寂滅定發行趣道。性實我人常見八倒生緣。不二法門。不受八難。幻化果畢竟不受。唯一眾生去來坐立。修行滅罪。除十惡。生十善。入道正人正智正行。菩薩達觀現前。不受六道果。必不退佛種性中。生生入佛家。不離正信。


此即智波羅蜜也






上十天光品廣說。



⑧三結指






⑦ 初總徵

盧舍那佛言。千佛諦聽。汝先問長養十心者。




⑧ 初慈心


若佛子。常生慈心。生樂因已。於無我智中。樂相應觀入法。受想行識色等大法中。無生無住無滅。如幻如化。如如無二故。一切修行成法輪。化被一切。能生正信。不由魔教。亦能使一切眾生得慈樂果。非實。非善惡果。解空體性三昧。




⑧ 二悲心

若佛子。以悲空空無相。悲緣行道。自滅一切苦。於一切眾生無量苦中生智。不殺生緣。不殺法緣。不著我緣。故常行不殺不盜不淫。而一切眾生。不惱發菩提心者。於空見一切法如實相。種性行中。生道智心。於六親六怨。親怨三品中。與上樂智。上怨緣中。九品得樂果。空現時。自身他一切眾生。平等一樂起大悲。









③三喜心

若佛子。悅喜。無生心時。種性體相道智空。空喜。心不著我所。出沒三世。因果無集。一切有入空觀行成。等喜。一切眾生起空入道。捨惡知識。求善知識。示我好道。使諸眾生入佛法家。法中常起歡喜。入佛位中。復是諸眾生入正信。捨邪見。背六道苦。故喜。







④ 四捨心


若佛子。常生捨心。無造無相空法中。如虛空。於善惡有見無見罪福二中。平等一照。非人非我所心。


而自他體性不可得。為大捨。及自身肉手足男女國城。如幻化水流燈燄。一切捨。而無生心常修其捨。



辛五施心


若佛子。能以施心被一切眾生。身施。口施。意施。財施。法施。教導一切眾生。內身外身國城男女田宅。皆如如相。乃至無念財物。受者施者。亦內亦外。無合無散。無心行化。達理達施。一切相現在行。






⑧ 六好語心

若佛子。入體性愛語三昧。第一義諦法語義。一切實語言皆順一語。調和一切眾生。心無瞋無諍。一切法空智無緣。常生愛心。行順佛意。亦順一切他人。以聖法語。教諸眾生。常行如心。發起善根。








此亦可別對善現行者

- 於一法性。作二種說。即是同中顯現羣異
- 雖二種說。皆順一語。即是一一異相。各各見同也

⑧ 七益心


若佛子。利益心時。以實智體性。廣行智道。集一切明滅法門。集觀行七財。前人得利益。故受身命。而入利益三昧。現一切身。一切口。一切意。而震動大世界。一切所為所作。他人入法種空種道種中。得益得樂。現形六道。無量苦惱之事。不以為患。但益人為利。






⑧ 八同心


若佛子。以道性智同空。無生法中。以無我智。同生無二。空同源境。諸法如相。常生常住常滅。世法相續。流轉無量。而能現無量形身色心等業。入諸六道。一切事同。空同無生。我同無物。而分身散形。故入同法三昧。






◎辛 九定心

若佛子。復從定心觀慧證空。心心靜緣。於我所法識界色界中而不動轉。逆順出沒故。常入百三昧。十禪支。以一念智作是見。一切我人若內若外眾生種子。皆無合散。集成起作。而不可得。





若次第順逆出沒。名師子奮迅三昧。乃至百大三昧。總依九次第定為本。而九次第定。又總依十禪支所成。

十禪支者。支是分義。謂繇分分心心所法。成於禪定。


初禪有五支。一覺。二觀。三喜。四樂。五一心。
 二禪有四支。一喜。二樂。三一心。四內淨。
 三禪有五支。一樂。二一心。三捨。四念。五慧。
 四禪有四支。一一心。二捨。三念。四不苦不樂。

今存單棄複。總名十支。

此亦可別對善法。行者。逆順出沒。三昧禪支。能成十方諸佛軌則也。

⑧十慧心

若佛子。作慧見心。觀諸邪見。結患等縛。無決定體性。順忍空同故。非陰。非界。非入。非眾生。非一我。非因果。非三世法。慧性起光。光一燄明明。見虛無受。其慧方便。生長養心。是心入起空道。發無生心。



⑧三結指

上千海眼王品。已說心百法明門。